

**Demo Ahad terus, perarakan bergantung pada keadaan  
Malaysiakini.com  
Disember 3, 2010**

Kerajaan Selangor akan tetap meneruskan perhimpunan menentang kenaikan harga air di negeri itu di Kuala Lumpur Ahad ini walaupun polis memberikan amaran keras hari ini, kata penyelaras kempenya.

Badrul Amin Bahrom bagaimanapun berkata, perarakan dari Masjid Negara ke Istana Negara seperti yang dirancang sebelum ini bergantung kepada keadaan pada hari berkenaan.

"Kalau diizinkan, kita berarak. Jika tidak diizinkan, kita mungkin guna cara lain. Ia bergantung kepada pelbagai faktor seperti cuaca, ketegangan pada hari itu, apa saja.

"Lagi pun kita bukan orang jahat," kata Badrul Amin yang juga anggota majlis pimpinan pusat PKR.

Ketika dihubungi Malaysiakini hari ini, Badrul Amin juga menyatakan kesedihannya terhadap larangan polis itu kerana menurutnya rakyat berhak beribadat di dalam masjid serta berhimpun secara aman di situ.

"Kecualilah kalau kita hendak merusuh. Saya tidak nampak apa masalahnya sehingga menjadi (perhimpunan) haram," kata bekas pensyarah di Universiti Islam Antarabangsa (UIA) itu.

Copyright © 1999-2007 Mkini Dotcom Sdn. Bhd.  
Source : <http://www.malaysiakini.com/news/149908>